



傷寒論張義定本

下

紙 9
267
2 上



門 賦
號 267
卷 2 止



傷寒論張義定本卷下



漢張仲景著

晉王叔和撰次

日本 信濃 伊藤大助藤原祐義重編

辨太陽病脈證並治法中

太陽病或已發熱或未發熱必惡寒體痛嘔逆者名為傷寒

右一章辨其位同太陽病而其證異者名為傷寒之義

傷寒脈浮緊不發汗因衄者麻黃湯主之

傷寒脈浮緩身不疼但重乍有輕時無少陰證者可與大青龍湯發之

右二章辨其位在表隨其脈其治法各異之義

傷寒陽脈溢陰脈弦者法當腹中急痛先與小建中湯不差者與小柴胡湯

傷寒胸中有熱腹中痛欲嘔吐者黃連湯主之

右二章辨與在表之脈異其治法亦異與其異而不差其治法亦異之義及裏證既現仍未專裏則施兼表之治之理

傷寒表不解乾嘔發熱而咳或渴或利或噎或小便不利少腹滿或喘者小青龍湯主之

傷寒咳而微喘發熱而不渴服藥已渴者此欲

解也。小青龍湯主之。

右二章辨如其證裏主而表客，雖然因表之鼓動，故表裏兼解之義。

傷寒無大熱，口燥渴，心煩背微惡寒者，白虎湯主之。

傷寒脈浮發熱無汗者，不可與白虎湯。渴欲飲水無表證者，白虎湯主之。

右二章辨可與白虎湯之證，及與之當知其位，否則作壞病之義。

傷寒汗出而渴者，五苓散主之。不渴者，茯苓甘草湯主之。

傷寒汗出惡寒身熱大渴不止，欲飲水一二斗者，白虎加人參湯主之。

右二章辨其證小同，而其治法大異者。

傷寒脈浮而緩，渴而手足自溫者，身當發黃。若小便自利者，不能發黃。

傷寒有熱，少腹滿，應小便不利。今反利者，為有血也，不可餘藥，宜抵當湯。

右二章辨雖其位在表裏熱已成而將發黃者及瘀血之所致者與彼異其證之義

傷寒瘀熱在裏身必發黃麻黃連軹赤小豆湯主之

傷寒身黃發熱者梔子蘘皮湯主之

右二章辨裏熱既成之理及既成者外發之

治法

傷寒發熱嗇嗇惡寒大渴欲飲水其腹必滿自汗出小便利其病欲解

傷寒發熱汗出不解心下痞鞭嘔吐而下利者大柴胡湯主之

右二章辨有外發之勢者必解之義及雖有外發之勢仍其內不解之治法

傷寒汗出解之後心下痞鞭乾噫食臭腹中雷鳴下利者生薑瀉心湯主之

傷寒解後虛羸少氣氣逆欲吐者竹葉石膏湯主之

右二章辨外發而解之後證

以上為一段

傷寒其脈若靜者不為轉、煩欲吐若躁煩脈數急者為轉也

傷寒二三日陽明少陽證不見者為不轉也

右二章辨轉、不轉之義、

傷寒脈弦細頭痛發熱者屬少陽不可發汗發

汗則譫語

傷寒有柴胡證但見一證便是不必悉具

右二章辨轉之微、以隨其微為宜、若否則作

壞病之義、

傷寒發熱無汗嘔不能食而反汗出濇濇然者

是轉屬陽明也

傷寒轉繫陽明者其人濇然微汗出也汗出濇

語者須下之下之則愈宜大承氣湯

右二章辨轉之稍甚者、及其劇證、

以上為一段

傷寒脈結代心中動悸者炙甘草湯主之

傷寒二三日心中悸而煩者小建中湯主之

右二章辨雖鼓動心氣其位仍在表之治
傷寒四五日身熱惡風頸項強脇下滿手足温
而渴者小柴胡湯主之

傷寒六七日發熱微惡寒肢節煩疼心下支結
者柴胡桂枝湯主之

右二章辨其位既轉而結胸脇之微者及雖
轉仍兼表證者之治

傷寒五六日往來寒熱胸脇苦滿默默不欲飲
食心煩喜嘔或胸中煩而不嘔或渴或腹中痛

或脇下痞鞭或心下悸小便不利或不渴身有

微熱或咳者小柴胡湯主之

傷寒六七日結胸熱實脈沉而緊心下痛按之

石鞭者大陷胸湯主之寒實結胸無熱證者與

三物小陷胸湯

右二章辨結胸脇之劇者亦有寒熱之殊異
之義

傷寒五六日頭汗出微惡寒手足冷心下滿口
不能食大便鞭脈沉緊者可與小柴胡湯

傷寒不大便六七日頭痛有熱者與承氣湯其
人小便清者知不在裏而仍在表也當須發汗
宜桂枝湯

右二章辨轉入者其證如可溫不可溫者與
如不可攻攻之義及不攻汗之則愈之理

傷寒六七日目中不了了大便難身微熱者急
下之宜大承氣湯

傷寒七八日身黃如檮子色小便不利腹微滿
者茵陳蒿湯主之

傷寒八九日身體疼煩不能自轉側不嘔不渴
脈浮虛而濡者桂枝附子湯主之若其人大便
鞭小便自利者去桂加白朮湯主之

右三章辨轉者一作熱實一作痰熱一雖不
轉仍在表禁發汗之治之脈證及治

以上為一段

傷寒一二日至四五日而厥者必發熱厥應下
之而反發汗必口傷爛赤

傷寒五六日不結胸腹濡脈虛復厥者不可下

下之死

傷寒六七日脈微手足厥冷躁煩者灸厥陰手足厥寒脈細欲絕者當歸四逆湯主之若其人內有寒必嘔當歸四逆加吳茱萸生薑湯主之右三章辨厥之可下不可下之可否及可灸可藥之證

傷寒脈微而厥至七八日膚冷其人躁無暫安時者此為藏厥非蛇厥也

蛇厥者令病者靜而復時煩須臾復止得食而

嘔蛇厥者烏梅丸主之

右三章辨厥冷有藏厥蛇厥之殊異

傷寒厥而心下悸者當服茯苓甘草湯不爾必作利也

傷寒脈促手足厥逆者可灸之

傷寒脈滑而厥者裏有熱也白虎湯主之

右三章辨厥之治能觀其脈證而可致之義傷寒指頭寒默默不能食煩躁數日小便利色白者此熱除也欲得食其病為愈若厥而嘔胸

傷寒論卷之六
傷寒論
腸煩滿者其後必便血

右一章辨熱厥之除者、不除將變他證者、

以上為一段

傷寒四五日腹中痛若轉氣下趣少腹者此欲自利也

傷寒六七日不下利便發熱而利其人汗出不止者死

傷寒下利日十餘行脈反實者死

傷寒下利至甚厥不止者死

傷寒發熱下利厥逆躁不得臥者死

右五章辨欲下利之證及其死證、

以上為一段

傷寒脈浮醫以火迫劫之必驚狂起臥不安者桂枝去芍藥加蜀漆龍骨湯主之

火逆下之因燒鍼煩躁者桂枝甘草龍骨牡蠣湯主之

燒鍼令其汗鍼處被寒核起而赤者必發黃脈氣從少腹上衝者與桂枝加桂湯

右三章辨醫施不當之治、而作壞病之義、及失保護、則被寒之理、

傷寒脈浮自汗出小便數心煩微惡寒脚攣急而反與桂枝湯欲攻其表此誤也得之即厥咽中乾煩躁吐逆者作甘草乾薑湯與之以復其陽若厥愈足溫者更作為藥甘草湯與之其脚即伸若胃氣不和譫語者少與調胃承氣湯若重發汗復加燒鍼厥冷者四逆湯主之傷寒四五日脈沈而喘滿沉為在裏而反發汗

則津液越出大便為難

傷寒腹滿譫語脈浮而緊不可下而反下之則痞

右三章辨攻表、攻裏、共能觀其脈證、而可施其治、否則作壞病之義、

傷寒嘔多雖有陽明證不可攻之

婦人傷寒發熱經水適來晝日明了暮則譫語此為熱入血室治之無犯胃氣必自愈

右二章辨其證如陽明、仍在少陽者、及如可

攻不待攻、自解之理、

傷寒醫反下之其人下利日數十行穀不化腹
中雷鳴心下痞鞭而滿乾嘔心煩不得安醫見
心下痞謂病不盡復下之其痞益甚此非結熱
但以胃中空虛客氣上逆故使鞭也甘草瀉心
湯主之

傷寒服湯藥下利不止心下痞鞭服瀉心湯已
復以他藥下之利不止醫以理中與之其利益
甚理中者理中焦此利在下焦赤石脂禹餘糧

湯主之

右二章辨犯不可攻無犯之禁則作壞病之
羨與復誤其壞病之治之證及其治法、

傷寒五六日已發汗而復下之胸脇滿心下微
結小便不利渴而不嘔但頭汗出往來寒熱心
煩者柴胡桂枝乾薑湯主之

傷寒五六日嘔而發熱者柴胡證具而以他藥
下之柴胡證仍在者復與柴胡湯若心下滿而
鞭痛者此為結胸也大陷胸湯主之但滿而不

痛者此為痞宜半夏瀉心湯

右二章辨其位在少陽者施不當之治其證仍在者及其證仍在稍變者變而不在者之治

傷寒過經胸脇滿而嘔日晡所發潮熱已而微利此本柴胡證下之而不得利今反利者知鑿以丸藥下之也潮熱者實也先宜服小柴胡湯以解其外後以大柴胡加芒消湯下之傷寒過經識語者當以湯下之若小便數者大

便當鞭而反下利者知鑿以丸藥下之也若自下利者脈當微厥今反和者此為內實也宜調胃承氣湯

右二章辨轉在少陽陽明者各可致其治否則作壞病之義及其救法

傷寒本自寒下醫復吐下之寒格更逆吐下若食入口即吐者乾薑黃連黃芩人參湯主之傷寒脈遲六七日而反與黃芩湯徹其熱脈遲為寒今與黃芩湯復除其熱腹中應冷當不能

傷寒論卷下 十一 傷寒論卷下
食今反能食此名除中必死

右二章辨不為利之治、反吐下者、及當溫反寒之義、

以上為一段

傷寒發汗已解半日許復煩脈浮數者可更發汗宜桂枝湯

發汗不解腹滿痛者急下之宜大承氣湯

發汗病仍不解反惡寒者虛故也芍藥甘草附子湯主之

發汗過多其人叉手自冒心心下悸欲得按者桂枝甘草湯主之

右四章辨發汗之後證、發汗若下之煩熱胸中窒者梔子豉湯主之

發汗若下之病仍不解煩躁者茯苓四逆湯主之

右二章辨汗下之後證、

傷寒發汗已身目為黃所以然者以寒濕在裡故也以為痰熱不可下

發汗已脈浮數煩渴者五苓散主之

右二章辨發汗已之後證

發汗後汗出而喘無大熱者可與麻黃杏仁甘

草石膏湯

發汗後身疼痛脈沉遲者桂枝加芍藥生薑人

參湯主之

發汗後惡寒者虛故也不惡寒但熱者實也當

和胃氣宜調胃承氣湯

發汗後腹脹滿者厚朴生薑甘草半夏人參湯

主之

發汗後臍下悸者欲作賁豚茯苓桂枝甘草大

棗湯主之

右五章辨發汗後之證

傷寒豎以丸藥大下之身熱不去微煩者梔子

乾薑湯主之

傷寒醫下之續得下利清穀不止身疼痛者急

當救裏後身疼痛者急當救表救裏宜四逆湯

救表與桂枝湯

傷寒大下後六七日煩不解腹滿痛者此有燥屎也宜大承氣湯

右三章辨大下後之證

傷寒大下後復發汗心下痞惡寒者表未解也不可攻痞當先解表表解乃可攻痞解表宜桂枝湯攻痞宜大黃黃連瀉心湯

大下之後復發汗小便不利者亡津液故也勿治之得小便利必自愈

右二章辨大下後現裏證而表證仍在者先

表可後裏之義

下之後復發汗必振寒脈微細所以然者內外俱虛故也

下之後復發汗晝日煩躁不得眠夜而安靜不嘔不渴無表裏證其脈沈微身無大熱者乾薑附子湯主之

右二章辨下後發汗之後證

傷寒五六日大下之後身熱不去心中結痛者梔子豉湯主之

傷寒六七日大下後手足厥逆咽喉不利唾膿血泄利不止者麻黃升麻湯主之

傷寒八九日下之後胸滿煩驚小便不利譫語一身盡重不可轉側者柴胡龍骨牡蠣湯主之

右三章辨大下轉者之後證

傷寒大吐大下之汗出者以其人外氣拂鬱也復與之水因得噦所以然者胃中寒冷故也

傷寒吐後腹脹滿者與調胃承氣湯

傷寒下後煩而腹滿臥起不安者梔子厚朴湯

主之

傷寒若吐若下後心下逆滿氣上衝胸起則頭眩其脈沈緊不可發汗發汗則動經身為振振

搖茯苓桂枝白朮甘草湯主之

傷寒吐下後發汗虛煩脈甚微八九日不解心

下痞鞭脇下痛氣上衝咽喉經脈動惕者久而

成痿

右五章辨吐下後之證及犯其禁之壞證

傷寒若吐若下後不大便五六日上至十餘日

日晡所發潮熱獨語如見鬼狀若劇者發則不識人循衣摸牀揚而不安微者但發熱譫語大承氣湯主之

傷寒若吐若下後七八日不解時時惡風大渴舌上乾燥而煩欲飲水數升者白虎湯主之

右二章辨吐下後之熱證其治異者

傷寒發汗吐下後虛煩不得眠若劇者必反覆顛倒心中懊懣梔子豉湯主之若少氣者梔子甘草豉湯主之若嘔者梔子生薑豉湯主之

傷寒若發汗若吐若下解後心下痞鞭噫氣不除者旋覆花代赭石湯主之

右二章辨發汗吐下後之證及治法
傷寒脈已解而日暮微煩者以病新差人強與穀故令微煩損穀則愈

傷寒差已後更發熱者小柴胡湯主之

傷寒差已後十餘日復往來寒熱者與大柴胡湯但結胸無大熱頭微汗出者大陷胸湯主之

右三章辨禁強與穀之義及再發者之治

以上為一段

總計七段為一篇

辨太陽病脉證並治法下

太陽病發熱汗出惡風者名為中風

右一章辨與太陽病其位同其證異其名亦異之義

太陽病發熱汗出者此為榮弱衛強欲救邪風者宜桂枝湯

右一章辨前章之治

中風脈浮緊發熱惡寒身疼痛不汗出而煩躁者大青龍湯主之若脈微弱汗出惡風者不可服服之則厥逆筋惕肉瞤

中風脈陽浮而陰弱嗇嗇惡寒淅淅惡風翕翕發熱鼻鳴乾嘔者桂枝湯主之

右二章辨表主者之治

中風發熱六七日不解而煩渴欲飲水水入則吐者五苓散主之

中風其人欬欬汗出發作有時頭痛心下痞而

鞭滿引脇下痛乾嘔短氣者此表解裏未和也
十棗湯主之

右二章辨表之及裏與表解裏未和者之治
婦人中風發熱惡寒經水適來得之七八日胸
脇下滿如結胸狀譫語者此為熱入血室也當
刺期門隨其實瀉之

婦人中風七八日續得往來寒熱發作有時經
水適斷者此為熱入血室也小柴胡湯主之
右二章辨熱入血室之治

中風以火劫發其汗邪風被火熱血氣流溢失
其常度兩陽相熏灼其身黃但頭汗出腹滿
微喘口乾咽爛甚者至歲而手足躁擾循衣摸
牀

右一章辨其治不中其度之壞證

中風兩耳無所聞目赤胸中滿而煩者不可吐
下吐下則悸而驚
中風口苦咽乾腹滿微喘發熱惡寒脈浮而緊
不可下若下之則腹滿小便難也

右二章辨吐下不可妄施之義、

以上為一段

太陽病其證備身體強兀兀然脈反沈遲者此為瘧括萸桂枝湯主之

太陽病無汗而小便反少氣上衝胸口禁不得語者欲作剛瘧葛根湯主之

右二章辨瘧病之脈證、並治法、

太陽病關節疼痛而煩脈沈而緩者名為中濕濕家身疼煩可與麻黃加朮湯發其汗慎不可

以火攻之

右二章辨中濕之脈證並治法

太陽中熱者喝是也汗出惡寒身熱而渴者白虎加人參湯主之

太陽中喝身熱疼重而脈微弱者一物瓜蒂散主之

右二章辨中熱之脈證、並治法、

以上為一段

總計二段為一篇

辨陽明病脈證並治法

陽明之為病胃家實也

右一章辨治陽明病之標的

陽明病譫語發潮熱脈滑而疾者小承氣湯主之因與承氣湯一升腹中轉矢氣者更服一升若不轉矢氣勿更與之明日不大便脈反微溼者裡虛也不可與承氣湯

右一章辨實之未劇之證與服藥之消息

陽明病脈遲汗出多微惡寒者表未解也可發

汗宜桂枝湯

陽明病脈遲雖汗出不惡寒者其身必重短氣腹滿而喘有潮熱者此表為解可攻裏也手足濇然汗出者此大便已鞭也大承氣湯主之若腹大滿不大便者微和胃氣勿令大泄下
右二章辨如可下及汗者又如可汗當下者其下之亦有緩急之義

陽明病腹滿脈遲食難用飽飽則發煩頭眩必小便難雖下之腹滿如故所以然者脈遲故也

陽明病不能食而小便不利手足濇然汗出必大便初鞭後溏所以然者以胃中虛冷故也

陽明病不能食攻其熱必噦所以然者胃中虛冷故也若胃中虛冷不能食者飲水則噦

右三章辨胃中虛冷之證

陽明病讖語有潮熱反不能食者胃中必有燥屎也若能食者但鞭爾大承氣湯主之

陽明病欲食小便反不利大便自調其人骨節疼翁翁如有熱狀奄然發狂濇然汗出而解者

此本不勝穀氣也

右二章辨當食之證而反不能食不拘其論

攻之可之義及不能者欲食且應數之小便反不利又當鞭難之大便得調和此將解之

理

陽明病發潮熱大便溏小便自可胸脇滿不去者小柴胡湯主之

陽明病脇下鞭滿不大便而嘔舌上白胎者可與小柴胡湯

陽明病不吐不下心煩者可與調胃承氣湯

右三章辨其證似胃實而否者及其實微者

陽明病潮熱大便微鞭者可與大承氣湯不鞭

者不與之若不大便六七日恐有燥屎欲知之

法少與小承氣湯湯入腹中轉矢氣者此有燥

屎也乃可攻之若不轉矢氣者此但初頭鞭後

必澹不可攻之攻之必脹滿不能食也

右一章辨實之極證及知燥屎之有無之法

以上為一段

陽明病其人多汗大便必鞭鞭則讖語小承氣

湯主之

陽明病發熱汗多者急下之宜大承氣湯

右二章辨將作燥屎之機及其治法

陽明病汗出多而渴者不可與猪苓湯猪苓湯

復利其小便也若脈浮發熱渴欲飲水小便不

利者猪苓湯主之

陽明病口燥但欲飲水不欲嚥者必衄若渴欲

飲水口乾舌燥者白虎加人葶湯主之

傷寒論卷之六 卷下 三十一 仲康丘補

右三章辨津液將涸渴而渴者其治法不中其度則反作壞病之理及渴之治法

以上為一段

陽明病法當多汗反無汗其身如蟲行皮中狀者此以久虛故也

陽明病無汗小便不利心中懊懣者身必發黃右二章辨當多汗而反無則現云云證之義

陽明病發熱汗出此為熱越不能發黃也但頭汗出身無汗小便不利渴引水漿者此為瘧熱

在裡身必發黃茵陳蒿湯主之

陽明病脈浮無汗其人必喘發汗則愈宜麻黃湯

右二章辨無汗之證有表裏不同之義

陽明病脈浮而緊咽乾口苦腹滿而喘發熱汗出不惡寒反惡熱身重若發汗則心憤憤反譫

語若加燒鍼則必怵惕煩躁不得眠若下之則胃中空虛客氣動膈心中懊懣舌上黃胎者梔

子豉湯主之

傷寒論卷之六 卷下 三十一 仲康丘補

右一章辨拘脰證、而若發汗燒鍼、若下之俱作壞病之證、及其治法、

以上為一段

陽明病面合赤色以火不可攻之

陽明病被火額上微汗出小便不利者必發黃

陽明病心下鞭滿者不可攻之

陽明病下血譫語者此為熱入血室但頭汗出

者不可攻之刺期門隨其實而瀉之濺然汗出

則愈

陽明病本自汗出若重發汗大便鞭小便自利者此為津液內竭雖鞭不可攻之當須自欲大便時宜密煎導而通之若土瓜根及與猪膽汁可以導

陽明病本自汗出醫更重發汗病已差尚微煩不了了者此大便必鞭故也雖鞭不可攻之當問其小便日幾行若本小便日三四行今日再行故知大便不久出今為小便數少者以津液當還入胃中故知不久必大便也

右六章辨不可攻之證

陽明病下之其外有熱手足溫不結胸心中懊
懣若饑不能食但頭汗出者梔子豉湯主之
陽明病下之心中懊懣而煩者可攻其人腹微
滿者不可攻之攻之宜大承氣湯

右二章辨下後之證

以上為一段

總計四段為一篇

辨少陽病脈證並治法

少陽之為病口苦咽乾目眩

右一章辨疾病自機表轉入之稍深之證

或問此篇唯有標的之證而無其治法之
故、答曰、作者既盡其辨別之詳審於太陽
陽明之二篇、故不舉于此、其所以盡者、於
太陽篇者、辨自太陽轉少陽與否者、又於
陽明篇者、論仍在少陽歟、已轉屬陽明歟、
之疑途、故熟讀二陽篇、而玩索辨論其轉

不轉之旨趣、則此篇有標的之證、而無其
治法之義、與二篇中詳審其治法具備之
意味、自然冰釋矣、

辨太陰病脈證並治法

太陰之為病、腹滿而吐、食不下、自利益甚、時腹
自痛、

右一章辨疾病起於胃中之急證

太陰病脈浮者可發汗宜桂枝湯

脈浮而遲、表熱裏寒、下利、清穀者、四逆湯主之、

右二章辨起於胃中之證、觀其脈、若發汗、若
溫裏、不一其機之義、

下利、清穀、不可攻其表、汗出必脹滿、其藏寒者
當溫之、

下利、腹脹滿、身體疼痛者、先溫其裏、乃攻其表、
溫裏、四逆湯、攻表、桂枝湯、

右二章辨先急後緩之義

以上為一段

下利清穀裏寒外熱汗出而厥者四逆湯主之
下利手足厥冷無脈者灸之不溫若脈不還反
微喘者死

下利脈沈而遲其人面少赤身有微熱者必鬱
冒汗出而解所以然者其面戴陽故也

兆、右三章辨若溫裏若灸之證及死者解者之
兆、

以上為一段

吐利汗出發熱惡寒四肢拘急手足厥冷者四

逆湯主之

既吐且利小便復利而大汗出脈微欲絕者通

脈四逆湯主之

吐已下斷汗出而厥四肢拘急不解脈微欲絕

者通脈四逆加豬膽汁湯主之

吐利止而身痛不休者當消息和解其外五桂

枝湯

吐利發汗其人脈平而小煩此新虛不勝穀氣

故也

右五章辨吐利之治及止後之治

以上為一段

總計三段為一篇

辨少陰病脈證並治法

少陰之為病脈微細但欲寐

右一章辨疾病起於胃中之緩證

少陰病得之一二日口中和其背惡寒者附子

湯主之

少陰病二三日不已至四五日腹痛小便不利

四肢沉重疼痛自下利者此為有水氣其人或

咳或小便利或嘔者真武湯主之

右二章辨裏主之證

以上為一段

少陰病始得之反發熱脈沈者麻黃附子細辛

湯主之

少陰病得之二三日與麻黃附子甘草湯微發

汗以無裏證故也

右二章辨裡不為主之證

少陰病脈微不可發汗無陽故也陽已虛脈弱瀋者復不可下之

少陰病脈細沉數病為在裏不可發汗

右二章辨汗下不可之脈

少陰病發而下利譏語者必小便難以強責汗也

少陰病但厥無汗而強發之必動其血未知何道出或從口鼻或從目出此名下厥上竭為難

治

右二章辨發汗不中其度之壞證

以上為一段

少陰病二三日咽痛者可與甘草湯不差者與桔梗湯

少陰病咽中痛者半夏散及湯主之

少陰病咽中傷生瘡不能語言聲不出者苦酒湯主之

右三章辨咽喉之治

以上為一段

少陰病得之二三日口燥咽乾者急下之宜大承氣湯

少陰病二三日以上心中煩不得卧者黃連阿膠湯主之

少陰病二三日至四五日腹痛小便不利下利不止便膿血者桃花湯主之

少陰病六七日腹滿不大便者急下之宜大承氣湯

右四章辨似陰而陽也者之治

以上為一段

少陰病四逆脈沉者急溫之宜四逆湯

少陰病四逆其人或咳或小便不利或腹中痛或泄利下重者四逆散主之

少陰病身體痛手足寒骨節痛脈沈者附子湯主之

右三章辨四逆之治

以上為一段

傷寒論辨病類
卷下
少陰病下利者白通湯主之

少陰病下利脈微者與白通湯利不止厥逆無

脈乾嘔而煩者白通加猪膽汁湯主之

少陰病下利清穀裏寒外熱手足厥逆脈微欲

絕身反不惡寒其人面赤色或腹痛或乾嘔或

咽痛或利止而脈不出者通脈四逆湯主之

右三章辨寒下之證

少陰病下利咽痛胸滿心煩者猪膚湯主之

少陰病下利清水色純青心下必痛口乾燥者

急下之宜大承氣湯

少陰病下利六七日欬而嘔渴心煩不得眠者

猪苓湯主之

右三章辨熱利之證

以上為一段

少陰病飲食入口則吐心中溫溫欬吐復不能

吐始得之手足寒脈弦遲者此胸中寒實不可

下也當吐之若膈上有寒飲乾嘔者不可吐急

溫之宜四逆湯

傷寒論長安定本
卷下
三十一 尹泰式歲反

少陰病欲吐不吐心煩但欲寐五六日自利而渴者屬太陰也

少陰病吐利手足厥冷煩躁欲死者吳茱萸湯主之

右三章辨欲吐而不吐者及吐利者之治法

以上為一段

少陰病脈微細沉但欲卧汗出不煩自欲吐至五六日自利復煩躁不得臥寐者死
少陰病六七日息高者死

少陰病脈緊至七八日自下利脈暴微手足溫者為欲解也

少陰病四逆惡寒而身蹇脈不至不煩而躁者死

少陰病惡寒而蹇時自煩欲去衣被者不治

少陰病惡寒身躁而利手足逆冷者不治

少陰病下利若利自止惡寒而蹇卧手足溫者可治

少陰病下利止而頭眩時時自冒者死

少陰病下利脈微澁嘔而汗出必數更衣及少者當溫其上灸之

脈經云灸厥陰五十壯

少陰病吐利煩躁四逆者死

少陰病吐利手足不逆冷反發熱者不死脈不至者灸少陰七壯

右十一章辨治不治及自解之脈證並灸治

以上為一段

總計八段為一篇

辨厥陰病脈證並治法

厥陰之為病消渴氣上衝心心中疼熱饑而不能食食則吐衄

右一章辨厥陰之證

厥陰病渴欲飲水者少少與之則愈

右一章辨任病人之請不可多與之藥

或問此篇亦如少陽篇不舉其治法者何也曰此猶辨于上其治法盡於太陽篇之傷寒及太陰少陰雜病之四篇故不舉于

傷寒論張義定本下終
此也其謂盡者吐利而厥之治詳於太陰
少陰之二篇又不吐利而厥之治論於太
陽篇之傷寒及雜病故唯舉其標的之證
而已能熟讀諸篇而玩索其所論辨則自
然得貫通其義矣若欲知其詳審則別有
余註解之張羨在焉

傷寒論張義定本下終

跋

仲景傷寒論傳于今者既經舛和之
攙入又羅林億之補綴後人附會錯簡
甚多條理太紊訛謬轉倒大失仲景
之原義譬如玉石混淆殆不可辨別
也後之學者徒就補綴攙入之書而
較其得失者無慮數百人論議如草

講說似紛紛紜迷目原義却暗讀者
不得不惑也夫仲景也邈矣漢史尚
缺其傳而今在二千年之後而讀二
千年前之書欲以沙汰玉石芟除草
芥果有能哉余未之信也且醫之於
學主實用也試之患者有驗則取之
無效則舍之取無效驗之方論而供

獯祭者抑亦惑矣信陽賈人有伊藤
大助者稟性好學篤志鑿藥財產有
餘不為驕奢費具分毫必換經史方藥
之書其書垂五千餘卷產業餘暇求
師於四方締友於海內以學以問二
十年猶一日近者就余問治痘之道
余恒嘆其篤志矣頃日將刺所著傷

傷寒論卷之六
二
何鼎臣補序
寒論張義者請余一言余讀之參考
衆說發明原義繩錯簡正條理刪衍
補脫訂訛認改轉倒其承應呼喚處
每句傍符圈點取舍折衷文約旨遠
盡出實用之要語絕不載空論浮說
其意在欲主張仲景之原義一掃草
芥之議說使讀者勿惑也夫大助者

本賈人也而其學問才智巖然一儒
醫也但為艱親屈志於賈今將讓財
產於弟而出都以業鑿焉其志可謂
篤矣苟志學者其宜如斯後之學者
豈可不法之哉然此書文理之精粗
論議之得失讀者應須自知不必待
余之喋喋以為輕重也余特有感大

助之苦學薦志故略錄數言載諸卷
尾者其意有二一為後學之監一為
余之戒云文化戊寅正月

東都鑿官 霧溪池田晉瑞仙識



芳水景歐書



本賈入也而其學問之淵源

